

FTAHP:  
11.25.91

## Сабина Ермакова

Л.Н. Гумилев атындағы Еуразия ұлттық университетінің магистранты,  
ҚР ҒЖБМ ҒК Мемлекет тарихы  
институтының кіші ғылыми қызметкері,  
Астана, Қазақстан  
e-mail: sabina.qaztr@gmail.com  
<https://orcid.org/0009-0009-9298-6762>

### ҚАЗАҚСТАН МЕН ӨЗБЕКСТАН АРАСЫНДАҒЫ ЭКОНОМИКАЛЫҚ ҮНТЫМАҚТАСТЫҚТЫҢ ЖАҢА ҚЫРЛАРЫ

**Аңдатпа.** Мақала жаһандық экономикалық өзгерістер жағдайында ерекше маңызға ие Қазақстан мен Өзбекстан арасындағы экономикалық ынтымақтастықтың жаңа аспектілерін талдауға арналған. Сауда, инвестиция, инфрақұрылымдық ынтымақтастық, энергетикалық қауіпсіздік және инновацияларды қоса алғанда, өзара іс-қимылдың негізгі бағыттары қарастырылады. 2016-2024 жылдар арасындағы өзара сауданың серпіні, тікелей инвестициялардың өсімі, сондай-ақ көлік және ауыл шаруашылығы саласындағы бірлескен жобалар талданады.

Екі елдің экономикалық байланыстарын нығайтып, бәсекеге қабілеттілігін арттыруға септігін тигізетін жаңа технологияларды енгізу мен тұрақты дамуға ерекше көңіл бөлінеді. Осы мақалада ұзақ мерзімді экономикалық мақсаттарға қол жеткізу және халықтың өмір сүру деңгейін арттыру үшін стратегиялық серіктестіктің маңыздылығы атап өтіледі.

**Түйін сөздер:** Қазақстан, Өзбекстан, экономикалық ынтымақтастық, сауда, инвестиция, инфрақұрылым, энергетика, инновация, ауыл шаруашылығы, тұрақты даму.

Сабина Ермакова

### НОВЫЕ АСПЕКТЫ ЭКОНОМИЧЕСКОГО СОТРУДНИЧЕСТВА МЕЖДУ КАЗАХСТАНОМ И УЗБЕКИСТАНОМ

**Аннотация.** Статья посвящена анализу новых аспектов экономического сотрудничества между Казахстаном и Узбекистаном, которое приобретает особое значение в условиях глобальных экономических изменений. Рассматриваются ключевые направления взаимодей-

ствия, включая торговлю, инвестиции, инфраструктурное сотрудничество, энергетическую безопасность и инновации. Анализируется динамика взаимной торговли в период 2016–2024 годов, рост прямых инвестиций, а также совместные проекты в сфере транспорта и сельского хозяйства.

Особое внимание уделяется внедрению новых технологий и устойчивому развитию, которые способствуют укреплению экономических связей двух стран и повышению их конкурентоспособности. В статье подчеркивается важность стратегического партнерства для достижения долгосрочных экономических целей и повышения уровня жизни населения.

**Ключевые слова:** *Казахстан, Узбекистан, экономическое сотрудничество, торговля, инвестиции, инфраструктура, энергетика, инновации, сельское хозяйство, устойчивое развитие.*

**Sabina Yermekova**

## **NEW ASPECTS OF ECONOMIC COOPERATION BETWEEN KAZAKHSTAN AND UZBEKISTAN**

**Abstract.** This article analyzes the new aspects of economic cooperation between Kazakhstan and Uzbekistan, which have gained particular significance amid global economic changes. Key areas of interaction are examined, including trade, investment, infrastructure cooperation, energy security, and innovation. The study explores the dynamics of mutual trade between 2016 and 2024, the growth of direct investments, as well as joint projects in the transport and agriculture sectors.

Special attention is given to the introduction of new technologies and sustainable development, which contribute to strengthening economic ties between the two countries and enhancing their competitiveness. The article highlights the importance of strategic partnership in achieving long-term economic goals and improving the population's standard of living.

**Keywords:** *Kazakhstan, Uzbekistan, economic cooperation, trade, investment, infrastructure, energy, innovation, agriculture, sustainable development.*

## **КІРІСПЕ**

Қазақстан мен Өзбекстан арасындағы экономикалық ынтымақтастықтың ұзақ тарихы бар. Бірақ, екі елдің арасындағы қарым-қатынастарда соңғы жылдар өзара тиімді іс-қимылдың жаңа көкжиек-

терін ашатын серпінді өзгерістер және бастамалармен ерекшеленеді. Қазақстан мен Өзбекстан экономикалық ынтымақтастықты дамыту үшін айтарлықтай әлеуеті бар Орталық Азия елдері болып табылады. Екі елдің де ауқымды табиғи ресурстары, стратегиялық географиялық орналасуы және серпінді экономикасы әртүрлі салалардағы ынтымақтастықты тереңдетуге қолайлы жағдай туғызады.

Ең алдымен, Қазақстан мен Өзбекстан экономикалық қарым-қатынастарды дамытып, екі ел арасындағы әріптестікті нығайтуға ұмтылу үстінде. Екіжақты қарым-қатынастардың сауда, инвестиция, энергетика, көлік және т.б. салалардағы ынтымақтастық үшін айтарлықтай әлеуеті бар.

Әлбетте, қазіргі таңда шетелдік инвестицияларды тарту, өздерінің өндірістік қуаттарын дамыту және әлемдік нарықтағы бәсекеге қабілеттілікті арттыру мақсатында екі ел де ауқымды реформалар мен экономикаларын жаңғыртуда. Экономикалық қарым-қатынастардың осы жаңа кезеңі аясында Қазақстан мен Өзбекстан реформалар мен модернизация саласында ынтымақтаса отырып, тәжірибе алмаса алады.

Дегенмен, Қазақстан мен Өзбекстан – Орталық Азиядағы басқа аймақтық державалармен шекаралас, стратегиялық маңызды елдер. Бұл екі ел арасындағы экономикалық қарым-қатынастарды дамыту аймақтағы тұрақтылық пен қауіпсіздікті нығайтуға, сондай-ақ көлік-логистикалық дәліздерді дамытуға қолайлы жағдай жасауға мүмкіндік беретіні сөзсіз.

Қазақстан мен Өзбекстанның мұнай, газ, көмір, алтын және басқа да пайдалы қазбаларды қоса алғанда, айтарлықтай табиғи ресурстары бар. Бұл елдердің ауылшаруашылық және туристік әлеуеті әртүрлі болғанымен, олардың арасындағы экономикалық қарым-қатынастарды дамыту екі елдің экономикалық өсімі мен өркендеуіне әкелетін өзара экспорт пен инвестицияға ықпал ете алады.

Жаңашылдық енгізу арқылы 2016-2024 жылдар аралығында екі ел арасындағы көлік ынтымақтастығын дамыту бойынша қадамдар жасалды. Жаңа автомобиль және теміржол бағыттары ашылып, көлік инфрақұрылымын салу және жаңғырту бойынша бірлескен жобалар іске қосылды.

## **МАТЕРИАЛДАР МЕН ӘДІСТЕР**

Бұл зерттеуде екі мемлекет арасындағы халықаралық және екіжақты құжаттар, ресми статистика және мемлекеттік деректер, Сыртқы істер

министрлігінің мәлімдемелері, форумдар мен ресми кездесулер нәтижелері, екі ел арасындағы инвестициялық жобалар мен қол қойылған меморандумдар туралы мәліметтер пайдаланылды.

Зерттеудің әдістемелік негізі ретінде салыстырмалы сараптама, контент талдау, статистикалық әдіс, жүйелік әдіс және хронологиялық әдістер қолданылды. Салыстырмалы талдау әдісі Қазақстан мен Өзбекстан арасындағы экономикалық көрсеткіштер, тауар айналымы, көлік ағыны, инвестициялық жобалар салыстырылып берілген. Контент талдау арқылы екі ел арасындағы құжаттар мен келісімдердің мазмұнына талдау жасалды. Статистикалық әдісте ресми деректер мен сандар (инвестиция көлемі, сауда айналымы т.б.) арқылы үрдістерге сандық талдау жүргізілді. Хронологиялық әдісте Қазақстан мен Өзбекстан арасындағы экономикалық ынтымақтастықтың 2016–2024 жылдар аралығындағы кезеңдік динамикасы көрсетілді.

## **НӘТИЖЕЛЕР МЕН ТАЛДАУДАР**

Бүгінгі таңда Өзбекстан мен Қазақстанның өзара қарым-қатынастарында айтарлықтай келісімшарттық негіз бар. Атап айтқанда, республикалар арасында ынтымақтастықтың түрлі бағыттары бойынша 170-тен астам екіжақты құжатқа қол қойылды.

Екіжақты ынтымақтастықтың негізін қалаған екі құжат бар. Олар: «Өзбекстан Республикасы мен Қазақстан Республикасы арасындағы Мәңгілік достық туралы шарт» (1999 ж.) ([adilet.zan.kz](http://adilet.zan.kz)) және Стратегиялық әріптестік туралы құжат (2013 ж.). Осылардың негізінде екі ел арасындағы экономикалық ынтымақтастықтың жаңа кезеңін 2016 жылдан бері қарастырса болады. Яғни, Қазақстан мен Өзбекстан арасындағы 2016-2024 жылдар аралығындағы экономикалық қарым-қатынастар әртүрлі салалардағы табысты ынтымақтастықты көрсетіп, өзара тиімді серіктестікті нығайтуға және екі елдің дамуы үшін жаңа мүмкіндіктер жасауға көмектесті. Сауда, инвестиция, көлік және энергетика салаларындағы жетістіктер Қазақстан мен Өзбекстан арасындағы экономикалық қарым-қатынастарды одан әрі дамыту перспективаларына оптимистік көзқараспен қарауға мүмкіндік береді.

Қазақ-өзбек экономикалық қатынастары әрдайым даму үстінде. 2018 жылы Шымкент қаласында форум өткізіліп (Айғақ 2018), нәтижесінде тікелей өңіраралық ынтымақтастық туралы 16 меморандум жасалып, өңірлік шаруашылық субъектілерімен 110,5 млн АҚШ долларын құрайтын 26 инвестициялық жобаны және 209,3 АҚШ долларын құрайтын 69 сауда келісімшартын іске асыру туралы келісімдер жасалды ([gov.kz](http://gov.kz) 2018).

Өзбекстанның Инвестициялар және сыртқы сауда министрлігінің мәліметі бойынша, 2019 жылы Қазақстанмен тауар айналымының көлемі 3,32 млрд. долларды немесе елдің жалпы сыртқы сауда айналымының 8% құрады. Қаржы секторындағы ынтымақтастық айтарлықтай серпін алды. Ташкентте қазақстандық екі ірі қаржы институтының – «Теңге банк» және «KazakhExport» экспорттық сақтандыру компаниясының өкілдіктері ашылды.

Өз кезегінде, көлік саласындағы ынтымақтастық белсенді дамып келеді. Өзбекстанның мемлекеттік статистика комитетінің мәліметі бойынша, 2019 жылы Өзбекстанға келген шетелдік азаматтардың ең көп ағыны Қазақстаннан болды, яғни жалпы саны 2,4 миллион адам (барлық келгендердің 29,7%). Қазақстанға 5,4 миллион өзбек азаматы келді (шетелге кеткендердің 42,4%). Саяхат жиілігінің артуына байланысты Қазақстандық Air Astana және SCAT әуе тасымалдаушылары республикалар арасындағы рейстердің санын көбейтуде (Шукуров 2023).

Атап айтар болсақ, Қазақстандық бизнес экспорт, сонымен қатар бірлескен кәсіпорындар құру арқылы Өзбекстандағы қатысуын арттыруда. Қазақстандық инвесторлар Өзбекстан нарығында белсенділік танытып, 2022 жылға дейін құны 37,9 млн. доллар болатын 13 жобаны жүзеге асыруды жоспарлап отыр.

Өзбекстанның Қазақстандағы елшілігінің мәліметінше, Өзбекстанда қазақстандық капиталдың қатысуымен 809 кәсіпорын жұмыс істейді. Қазақстандық BI Group Өзбекстанда жұмыс істейді, Ташкентте тұрғын үйлер салады. «Экотон CO LTD» компаниясы «Ангрен» еркін экономикалық аймағында газдалған бетон және плиталар шығаратын зауыт салады.

2021 жылдың қарашасында Шавкат Мирзиевтің Астанаға мемлекеттік сапары қарсаңында Түркістан қаласында «Трансшекаралық ынтымақтастық өсудің жаңа нүктелері» тақырыбында үшінші өңіраралық форум өтті (Қазақстан мен Өзбекстанның өңіраралық ынтымақтастығының III форумы 2021). Нәтижесінде машина жасау, ауыл шаруашылығы, құрылыс материалдарын, электротехникалық бұйымдарды, медициналық бұйымдарды өндіру, инфрақұрылымды дамыту және басқа да салалар бойынша жалпы сомасы 611,3 млн долларды құрайтын 54 инвестициялық және коммерциялық келісімшартқа қол қойылды (екі ел арасындағы инвестициялық және коммерциялық келісімшарт 2021).

Қазіргі уақытта Қазақстан мен Өзбекстан арасындағы экономикалық ынтымақтастықтың негізгі бағыттары бірнеше маңызды аспектілерді қамтиды. Олар төмендегі кестеде көрсетілген (1-кесте).

### 1-кесте. Екі ел арасындағы экономикалық ынтымақтастықтың негізгі бағыттары

№	Бағыт	Жүзеге асырылуы
1	Сауда	Екі ел де тауарлар мен қызметтерді алмасу арқылы сауда-экономикалық қарым-қатынастарды белсенді дамытуда. Қазақстан мен Өзбекстан арасындағы тауар айналымы ұдайы өсіп, тараптар өзара сауда көлемін арттыруға ұмтылуда.
2	Инвестициялар	Қазақстан мен Өзбекстан инвестиция саласында да ынтымақтасады. Қазақстандық компаниялар Өзбекстан экономикасының энергетика, мұнай-газ, көлік және т.б. сияқты түрлі салаларына белсенді түрде инвестиция салуда.
3	Көлік және логистикалық инфрақұрылым	Елдер арасындағы жүктер мен жолаушыларды неғұрлым тиімді тасымалдауды қамтамасыз ету үшін автомобиль жолдарын, темір жол бағыттарын, әуежайларды және басқа да инфрақұрылымдарды салу мен жаңғыртуды қоса алғанда, көлік байланыстарын дамыту бойынша жұмыс жүргізуде.
4	Энергетика	Қазақ-өзбек қатынастары энергетика саласында, соның ішінде электр энергиясын жеткізу, энергетикалық жобаларды әзірлеу және пайдалану, сондай-ақ осы саладағы тәжірибе мен технология алмасу бойынша ынтымақтастықта.
5	Ауыл шаруашылығы және азық-түлік қауіпсіздігі	Екі ел ауыл шаруашылығы саласында ынтымақтасады, тәжірибе және технология алмасады, сондай-ақ азық-түлік қауіпсіздігін жақсарту және ауылшаруашылық өндірісін ұлғайту бойынша бірлескен жобаларды әзірлеуде.

Дереккөз: ҚР Ұлттық экономика министрлігінің ресми сайты (<https://www.gov.kz>)

Яғни, ынтымақтастықтың бұл бағыттары Қазақстан мен Өзбекстан арасындағы экономикалық қарым-қатынастарды нығайтуға және екі елдің дамуына ықпал етеді.

Өзбекстан мен Қазақстан шикізаттық емес экспорт үлесін және жоғары құны бар дайын өнім өндіруді ұлғайту міндеттерін қойды. Осыған байланысты «Экономикалық зерттеулер және реформалар орталығы» екі ел арасындағы ынтымақтастықтың ең перспективалы бағыттарын, оның ішінде экономикалардың өзара толықтырылуын және өнеркәсіпте қолда бар ресурстық базаны ескере отырып, өңдеу өнеркәсібінде бірлескен өнеркәсіптік кластерлерді құруды сараптады.

Атап айтқанда, соңғы 6 жылда Өзбекстан экономикасы жылдық орташа өсім 5,3%-ды құрап, 1,43 есе өссе, Қазақстанның жалпы ішкі өнімі жылдық орташа өсім 3,2% құрап, 1,25 есе өсті.

Өз кезегінде, Қазақстан мен Өзбекстанның экономикалық одақтастығы барлық Орталық Азия елдерінің посткеңестік кеңістіктегі ынтымақтастығында авангардтық рөл атқарады. Екі негізгі мәселе – трансшекаралық кеңістік, су-энергетикалық ынтымақтастық және елдер арасындағы қоршаған ортаны қорғау Орталық Азия аймағындағы елдердің жақындасуын дамыту перспективасын қамтамасыз етеді (Гангули 2014).

Бұл мәселелер ирригация, экология, гидроэнергетикалық проблемалар, сондай-ақ трансшекаралық өзендердің ресурстарын пайдаланудың ұтымды әдістері мәселелері бойынша негізделген шешімдерге қол жеткізуде елдерді біріктіретін негізгі факторларға айналуда.

Яғни, интеграциялық саясатты жүзеге асыру екі мемлекет арасындағы стратегиялық әріптестікті табысты дамыту, сауда ынтымақтастығын кеңейту және инвестициялау бағытындағы ынтымақтастығынан басталуы тиіс.

Соңғы жылдары Қазақстан мен Өзбекстан Орталық Азиядағы ең белсенді ынтымақтастық танытып жатқан мемлекеттер болып саналады. 2023-2024 жылдарда екі елдің өкілдері ресми жұмыс сапармен ауқымды шараларды жоспарлады. 2024 жылдың 5-сәуір күні Қазақстан Республикасының Президенті Қ. Тоқаевтың Өзбекстан Республикасы, Хиуа қаласына бейресми жұмыс сапары жасалды. Осы кездесудегі келіссөздер барысында мемлекеттер басшылары Орталық Азиядағы тұрақтылық пен қауіпсіздікті сақтау мәселесіне ерекше назар аударды. Осы ретте Орталық Азия мемлекеттері басшыларының кезекті алтыншы Консультативтік кездесуіне дайындық барысы, сондай-ақ, С5+ форматындағы ықпалдастық перспективалары талқыланған болатын.

Өткен жылы еліміз Өзбекстанға 350 миллион долларлық қызмет экспорттап, 150 миллион доллар импорттаған. Ал, 2023 жылдың 9 айында Қазақстан мен Өзбекстан арасындағы өзара тауар айналымы 3,3 млрд долларды құрады. Төмендегі суретте Қазақстан мен Өзбекстанның экспорт және импорт көрсеткіштері берілген (1-сурет).

## 1-сурет. 2023 жылдың қаңтар-қыркүйек айларындағы Қазақстан мен Өзбекстан арасындағы тауар айналымы (Қазақстанның экспорт-импорт көрсеткіштері)



**Ескертпе:** Дереккөз негізінде автормен құрастырылды

Дереккөз: ҚР Ұлттық экономика министрлігінің ресми сайты (<https://www.gov.kz>)

Осылайша, тауар айналымының нәтижесін саралай келе екі елдің сауда, инвестиция, ауыл шаруашылығы және туризм сияқты әртүрлі салалардағы экономикалық ынтымақтастықты дамыту үшін айтарлықтай әлеуеті бар екені байқалады.

Қазақстан мен Өзбекстан арасындағы сауда саласында өзара тауар айналымын арттырудың әлеуеті зор. Екі елде серіктестік нарығында ұсынылуы мүмкін тауарлар мен қызметтердің алуан түрі бар. Қазақстан мұнай, газ, металл және ауыл шаруашылығы өнімдерінің негізгі өндірушісі болса, Өзбекстан мақта өнімдерімен, жемістермен, көкөністермен және тоқыма бұйымдарымен танымал (Калиаскарова және Иканова б. ж.).

### ҚОРЫТЫНДЫ

Қорытындылай келе, 2016-2024 жылдар аралығында Қазақстан Республикасы мен Өзбекстан Республикасы арасындағы экономикалық қарым-қатынастар бірқатар маңызды келісімдер мен бастамаларда көрініс тапқан елеулі өзгерістерге ұшырады. Бұл кезең екі ел арасындағы ынтымақтастықтың нығаюымен және өзара тиімді қарым-қатынастардың дамуымен сипатталды.

Соңғы жылдары Қазақстан мен Өзбекстан арасында энергетика, ауыл шаруашылығы, туризм және экономиканың басқа да салаларындағы ынтымақтастық белсенді дамып келе жатқанын атап өткен жөн. Тәжірибе алмасу және технологиялар трансферті екі ел арасындағы өзара іс-қимылдың маңызды элементтеріне айналды.

Жалпы, Қазақстан Республикасы мен Өзбекстан Республикасы арасындағы экономикалық қарым-қатынастардың жаңа кезеңі (2016-2024 жж.) әр түрлі салалардағы әріптестік байланыстардың нығайуымен және ынтымақтастықтың кеңеюімен сипатталды. Екі ел де өзара тиімді ынтымақтастықты тереңдетуге, экономиканың дамуы мен азаматтарының өмір сүру деңгейін арттыруға қолайлы жағдай жасауға ұмтылуын жалғастыруда.

Жаңа экономикалық кезеңнің қалыптасуы барысында көптеген сыртқы факторлардың әсерінен, түрлі экономикалық кедергілерге қарамастан, Қазақстан мен Өзбекстан нағыз көршілес әрі бауырлас мемлекеттер ретінде тығыз ынтымақтастық қарым-қатынастың үлгісін көрсетуде.

## ӘДЕБИЕТТЕР ТІЗІМІ:

Adilet.zan.kz. б. ж. «Қазақстан Республикасы мен Өзбекстан Республикасы арасындағы Мәңгілік достық туралы шартты бекіту туралы». [https://adilet.zan.kz/kaz/docs/Z990000388\\_](https://adilet.zan.kz/kaz/docs/Z990000388_). (Қаралған күні: 20.10.2024)

Aigak.kz. 2018. «Шымкент қаласындағы өңіраралық ынтымақтастық форумы» <https://aigak.kz/2018/11/15/azastan-zbekstan-raral-foruma-atsushlar-shmkentke-keld/>. (Қаралған күні: 20.10.2024)

GOV.kz. б. ж. «Өңіраралық ынтымақтастық туралы 16 меморандум» <https://www.gov.kz/memleket/entities/kyzylorda%20kasipkerlik/press/news/details/46842?lang=ru>. (Қаралған күні: 21.10.2024)

GOV.kz. 2019. «Өңірлік шаруашылық субъектілерімен сауда келісім-шарттары» <https://www.gov.kz/memleket/entities/mfa-tashkent?lang=ru>. (Қаралған күні: 21.10.2024)

GOV.kz. 2021. «Трансшекаралық ынтымақтастық өсудің жаңа нүктелері» тақырыбында үшінші өңіраралық форумы» <https://www.gov.kz/memleket/entities/mti/press/media/details/19545?lang=kk>. (Қаралған күні: 21.10.2024)

GOV.kz. 2021. «Екі ел арасындағы инвестициялық және коммерциялық келісімшарт» <https://www.gov.kz/memleket/entities/mti/press/news/details/210918?lang=kk>. (Қаралған күні: 21.10.2024)

GOV.kz. б. ж. «ҚР Ұлттық экономика министрлігінің ресми сайты.» <https://www.gov.kz/memleket/entities/economy/search/1?contentType=news%2Carticle%2Cdocuments%2Ccurators&lang=kk&period=&searchText=%D3%A9%D0%B7%D0%B1%D0%B5%D0%BA%D1%81%D1%82%D0%B0%D0%BD&slug=economy>. (Қаралған күні: 21.10.2024)

Гангули Ш. 2014. «Сотрудничество в энергообеспечении между Центральной и Южной Азией: стремление к энергетической безопасности как источник взаимной зависимости.» Центральная Азия и Кавказ, № 2. <https://cyberleninka.ru/article/n/sotrudnichestvo-v-energoobespechenii-mezhdu-tsentralnoy-i-yuzhnoy-aziey-stremlenie-k-energeticheskoy-bezopasnosti-kak-istochnik>. (Қаралған күні: 21.10.2024)

Калиаскарова, З.К., және А.С. Иканова. б. ж. «Торгово-экономические аспекты сотрудничества Казахстана и Узбекистана.» Сауран: Информационно-аналитический центр. <https://cc-sauran.kz/rubriki/economika/141-kazakhstan-uzbekistan-invest.html>. (Қаралған күні: 21.10.2024)

Шукуров, С. 2023. «Вопросы торговли и товарооборота в экономических отношениях Республики Узбекистан со странами Центральной Азии.» E-Conference Zone, 167–172.

## REFERENCES:

Adilet.zan.kz. b. zh. «Kazakstan Respublikasy men Өzbekstan Respublikasy arasyndagy Mangilik dostyk turaly shartty bekity turaly» [On ratification of the Treaty on eternal friendship between the Republic of Kazakhstan and the Republic of Uzbekistan]. Kolzhetimdi: [https://adilet.zan.kz/kaz/docs/Z990000388\\_\(accessed: 20.10.2024\)](https://adilet.zan.kz/kaz/docs/Z990000388_(accessed: 20.10.2024))

Aigak.kz. 2018. «Shymkent kalasyndagy onirarlyk yntymaktastyk forumy.» [Interregional Cooperation Forum in the City of Shymkent]. [https://aigak.kz/2018/11/15/azastan-zbekstan-raral-foruma-atsushlar-shmkentke-keld/ \(accessed: 20.10.2024\)](https://aigak.kz/2018/11/15/azastan-zbekstan-raral-foruma-atsushlar-shmkentke-keld/(accessed: 20.10.2024))

Ganguli, Shrimati. 2014. «Sotrudnichestvovjenergoobespechenii mezhdou Central'noj i Juzhnoj Aziej: stremlenie k jenergeticheskoy bezopasnosti kak istochnik vzaimnoj zavisimosti.» Central'naja Azija i Kavkaz, [Cooperation in Energy Supply between Central and South Asia: The Pursuit of Energy Security as a Source of Mutual Interdependence." Central Asia and the Caucasus]. № 2. [https://cyberleninka.ru/article/n/sotrudnichestvo-v-energoobespechenii-mezhdou-tsentralnoy-i-yuzhnoy-aziej-stremlenie-k-energeticheskoy-bezopasnosti-kak-istochnik \(accessed: 21.10.2024\)](https://cyberleninka.ru/article/n/sotrudnichestvo-v-energoobespechenii-mezhdou-tsentralnoy-i-yuzhnoy-aziej-stremlenie-k-energeticheskoy-bezopasnosti-kak-istochnik (accessed: 21.10.2024))

GOV.kz. b. zh. «Onirarlyk yntymaktastyk turaly 16 memorandum.» [6 memorandumsoninterregionalcooperation]. [https://www.gov.kz/memleket/entities/kyzylorda%20kasipkerlik/press/news/details/46842?lang=ru \(accessed: 21.10.2024\)](https://www.gov.kz/memleket/entities/kyzylorda%20kasipkerlik/press/news/details/46842?lang=ru (accessed: 21.10.2024))

GOV.kz. 2019. «Onirlik sharuashylyk subektilerimen sauda kelisimsharttary.» [Trade agreements with regional economic entities]. [https://www.gov.kz/memleket/entities/mfa-tashkent?lang=ru \(accessed: 21.10.2024\)](https://www.gov.kz/memleket/entities/mfa-tashkent?lang=ru (accessed: 21.10.2024))

GOV.kz. 2021. «Transshekaralyk yntymaktastyk osudin zhana nukteleri» takyrybynda ushinshi onirarlyk forumy» [The Third Interregional Forum on the Topic 'New Frontiers of Cross-Border Cooperation]. [https://www.gov.kz/memleket/entities/mti/press/media/details/19545?lang=kk \(accessed: 21.10.2024\)](https://www.gov.kz/memleket/entities/mti/press/media/details/19545?lang=kk (accessed: 21.10.2024))

GOV.kz. 2021. «Eki el arasyndagy investicijalyk zhane kommerciyalyk kelisimshart.» [Investment and commercial agreement between the two countries]. [https://www.gov.kz/memleket/entities/mti/press/news/details/210918?lang=kk. \(accessed: 21.10.2024\)](https://www.gov.kz/memleket/entities/mti/press/news/details/210918?lang=kk. (accessed: 21.10.2024))

GOV.kz. b. zh. «KR Ulttyk jekonomika ministriginin resmi sajty.» [The official website of the Ministry of National Economy of the Republic of Kazakhstan]. <https://www.gov.kz/memleket/entities/economy/search/1?co>

ntentType=news%2Carticle%2Cdocuments%2Ccurators&lang=kk&period  
=&searchText=%D3%A9%D0%B7%D0%B1%D0%B5%D0%BA%D1%81%  
D1%82%D0%B0%D0%BD&slug=economy. (accessed: 21.10.2024)

Kaliaskarova, Z.K., zhane A.S. Ikanova. b. zh. «Torgovo-jekonomichekije  
aspektysotrudnichestvaKazahstana iUzbekistana.» Sauran: Informacionno-  
analiticheskij centr. [Trade and Economic Aspects of Cooperation between  
Kazakhstan and Uzbekistan. Sauran: Information and Analytical Center].  
[https://cc-sauran.kz/rubriki/economika/141-kazakhstan-uzbekistan-invest.  
html](https://cc-sauran.kz/rubriki/economika/141-kazakhstan-uzbekistan-invest.html) (accessed: 21.10. 2024)

Shukurov, S. 2023. «Voprosy torgovli i tovarooborota v jekonomichekijeh  
otnoshenijah Respubliki Uzbekistan so stranami Central'noj Azii.» [Issues of  
Trade and Commodity Turnover in the Economic Relations of the Republic  
of Uzbekistan with the Countries of Central Asia]. E-Conference Zone, 167–  
172.